

340 Ez was von Munsalvæsche komen

unt hetz Læhelin genomen
ze Brumbane bîme sê.
eime rîter tet sîn tjost wê,
5 den er tût dar hinder stach;
des sider Trevrizent verjach.
Gawan dâhte: »swer verzagt,
sô daz er vliuht, ê man jagt,
daz ist sîme prîse gar ze vruo.
10 ich wil in nâher stapfen zuo,
swaz mir dâ von nû mac geschehen;
ir hât michz mêre teil gesehen.
des sol doch guot rât werden.«
dô erbeizt er ze der erden,
15 reht als er habete einen stal.
die rotte wâren âne zal,
die dâ mit kumpânîe riten.
er sach vil kleider wol gesniten
unt manegen schilt wol gevar,
20 daz er niht bekande gar
noch deheine baniere under in.
»disem her ein gast ich bin«,
sus sprach der werde Gawan,
»sît ich ir deheine kûnde hân.
25 wellent siz in übel wenden,
eine tjost sol ich in senden,
deiswâr, mit mîn selbes hant,
ê daz ich von in sî gewant.«
dô was ouch Gringuljeten gegurt,^K
30 daz in manegen angestlîchen vurt

unt hete (*om. O*) Lehelin g. *G (*ohne I*) · unde het ez Lehelin genomen. *T
bî dem sê *T

des sît Trefrizent v. *T (*I L*)

ê (ê daz *Fr22*) man in jaget, *T (*O Z Fr22*)

ich sol hin (*iv Fr22* in *T [*nur T*] *I Z*) n. *G (*V*) (*T)
sw. mir nû mac dar von g. (beschehen *V*); *T
ersehen *V*
ez sol *T
ûf die e., *G *T (*nur T*)

sch. sô g., *G (*ohne IOLZ*) (*V*)
daz er ir (*erre Fr22*) n. erkande gar *G (*T)

sus *om.* *G *T

nû was *G (*T)

*D: D *m: m *G: G I O L Z Fr22 (340.5–30) *T: T V

1 Initiale D O L Z 3 nicht ausgeführte Illustration O 7 Initiale T 21 Initiale V 29 Majuskel T

2 hetz] hete *m 5 dar] her *m 7 swer] wer sô *m 8 sô] *om.* *m *Fr22* · jagt] in jaget (saget *m*) *m 17 dâ] dâ nâch *m 19 wol] sô *m 24 ich ir] ichs *m